

**TULAFONO TAU FAAOFI O TEUTEUGA
O LE TULAFONO O GALUEGA TINEI MU MA
FAALAVELAVE TUTUPU FAAFUASEI 2017**

SAMOA

Faamatalaga e Faamalamalama ai

Faatomuaga

Ua taumafai le Tulafono Tau Faaofi e teuteu le *Tulafono o Galuega Tinei Mu ma Faalavelave Tutupu Faafuasei 2007* (Tulafono) e tuuina atu ai pemitā mo galuega vevela ina ia foia ma faaititia ai lamatiaga o mu ma mea pāpā malolosi i so o se faatinoga o ia galuega vevela.

Fuaiupu:

Fuaiupu 1: - ua taua ai e faapea, afai e pasia le Tulafono Tau Faaofi, o le a taua loa o le Tulafono o Teuteuga o le Tulafono o Galuega Tinei Mu ma Faalavelave Tutupu Faafuasei 2017, ma o le a amata faamamaluina i le aso e tuuina i ai le maliēga a le O Le Ao o le Malo.

Fuaiupu 2: - ua teuteu ai le fuaiupu 2 o le Tulafono ina ia faamanino ma faamatalaina ai le uiga o galuega vevela mo le faamoemoe o le Tulafono Tau Faaofi.

Fuaiupu 3: - ua teuteu ai le fuaiupu 41 o le Tulafono e ala i le faaofiina o le parakalafa faaopoopo e tasi i lalo o le faafuaiupu (2) e faatagaina ai le tuuina atu e le Pulega o Galuega Tinei Mu ma Faalavelave Tutupu Faafuasei a Samoa o pemitā mo le faagaoioiga o so o se galuega vevela.



(Hon TUILAEPA Auelua Fatialofa Lupesoliai Lolofietele
Neioti Aiono Galumalemana Dr. Sailele Malielegaoi)

**PALEMIA MA LE MINISITA E NAFA MA LE PULEGA O GALUEGA
TINEI MU MA FAALAVELAVE TUTUPU FAAFUASEI A SAMOA**

**TULAFONO TAU FAAOFI O TEUTEUGA
O LE TULAFONO O GALUEGA TINEI MU MA
FAALAVELAVE TUTUPU FAAFUASEI 2017**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le fuaiupu 2
3. Ua teuteuina le fuaiupu 41(2)

2017, Nu.

O SE TULAFONO TAU FAAOFI UA TAUA

O SE TULAFONO e teuteu ai le Tulafono o Galuega Tinei Mu ma Faalavelave Tutupu Faafuasei 2007 (“Tulafono Autu”).

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

- (1) E mafai ona taua lenei Tulafono o le Tulafono o Teuteuga o le Tulafono o Galuega Tinei Mu ma Faalavelave Tutupu Faafuasei 2017.
- (2) O lenei Tulafono e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le fuaiupu 2:

Mo le fuaiupu 2 o le Tulafono Autu, ia faaofi le faamatalaga ua taua i lona tulaga sao i totonu o le pi faitau faa-Peretania:

““galuega vevela” o lona uiga o le uelo, motusia o le tulaga vevela, faavevelaina, sooga o uamea, faapuluina o uamea, vavaeeseina o kasa mai ave malolosi o uila, oloina faaninii, fanaina i vali o uamea ma isi galuega uma o lo o i ai le avanoa e faatupuina ai le vevela, afi ua sasao, po o aloiafi e ono faatupulaia ai le tulaga lamatia o se mu po o se mea pāpā malosi;”.

3. Ua teuteuina le fuaiupu 41(2):

Ua teuteuina le fuaiupu 41(2) o le Tulafono Autu e ala i le faaofiina i le tuanai ai o le parakalafa (o) o le parakalafa e faapea:

“(p) ia faatagaina le Pulega o Galuega Tinei Mu ma Faalavelave Tutupu Faafuasei a Samoa e tuuina atu pemitā mo so o se faagaoioiga o galuega vevela.”.
